

Na osnovu člana 18. Odluke o organizovanju i provođenju javnih rasprava ("Službeni glasnik Grada Tuzle", broj 11/21) i člana 114. Poslovnika Gradskog vijeća Tuzla („Službeni glasnik Grada Tuzla“, Drugi prečišćeni tekst, broj 5/22), Gradsko vijeće Tuzla, na sjednici održanoj dana 30. 11. 2022. godine, d o n o s i

O D L U K U
**o načinu provođenja javne rasprave o nacrtu Programa rada Gradskog vijeća Tuzla
za 2023. godinu**

Član 1.

Ovom Odlukom se uređuje način provođenja javne rasprave o nacrtu Programa rada Gradskog vijeća Tuzla za 2023. godinu (**u daljem tekstu: nacrt Programa**), određuje rok trajanja, nadležna služba i radno tijelo Gradskog vijeća Tuzla za praćenje javne rasprave o nacrtu Programa, poslovi i zadaci, kao i druga pitanja od značaja za provođenje javne rasprave o nacrtu programa..

Član 2.

Rok za provođenje Javne rasprave o dokumentima iz člana 1. ove Odluke je **15** dana od dana usvajanja nacrta Programa na sjednici Gradskog vijeća Tuzla.

Član 3.

Javni poziv za provođenje javne rasprave o nacrtu Programa priprema Stručna služba gradskog vijeća Tuzla i isti će se objaviti na web stranici Grada Tuzle ili drugi prigodan način.

Član 4.

Za provođenje javne rasprave o nacrtu Programa, zadužuju se Stručna služba Gradskog vijeća i Komisija za statutarna pitanja i propise.

Član 5.

Služba i nadležno radno tijelo Gradskog vijeća iz predhodnog člana ove Odluke, dužni su:

- obezbijediti da se materijal koji je predmet javne rasprave učini dostupnim javnosti (putem interneta, ili na drugi način) te da se, uz materijal koji se dostavlja na javnu raspravu, dostavi i poziv građanima da se svojim sugestijama i primjedbama uključe u javnu raspravu s Rokom do kada se isti imaju dostaviti,
- pratiti javnu raspravu, analizirati prijedloge, mišljenja i primjedbe te dati ocjenu o saglasnosti učesnika javne rasprave s prijedlozima iznesenim u toku trajanja javne rasprave,
- osigurati prikupljanje i sređivanje primjedbi, mišljenja i prijedloga iznesenih u toku javne rasprave,
- pripremiti izvještaj o rezultatima sprovedene javne rasprave i isti prezentirati Gradskom vijeću.

Član 6.

Odluka stupa na snagu danom narednog dana od dana objavljivanja u "Službenom glasniku Grada Tuzla, a objavit će se i na web stranici Grada Tuzle.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj:1/04-A-20190-2022
Tuzla, 30. novembar 2022. godine

PREDSJEDAVAJUĆI

Nataša Perić, prof.

O b r a z l o ž e n j e

Pravni osnov

Pravni osnov za donošenje Odluke o načinu provođenja javne rasprave (u daljem tekstu: Odluka) su član 18. Odluke o organizovanju i provođenju javnih rasprava ("Službeni glasnik Grada Tuzle", broj 11/21) i člana 114. Poslovnika Gradskog vijeća Tuzla („Službeni glasnik Grada Tuzla“, Drugi prečišćeni tekst, broj 5/22).

Članom 18. Odluke o organizovanju i provođenju javnih rasprava ("Službeni glasnik Grada Tuzle", broj 11/21), propisano je slijedeće /citiramo/:

"Javna rasprava može se provesti u postupku donošenja drugih općih akata iz nadležnosti Grada, na osnovu prijedloga obrađivača općeg akta, predlagača općeg akta ili na osnovu prijedloga Gradskog vijeća".

Članom 114. stav 2. 114. Poslovnika Gradskog vijeća Tuzla („Službeni glasnik Grada Tuzla“, Drugi prečišćeni tekst, broj 5/22), propisano je slijedeće:

"Nacrt odluke ili drugog akta Gradskog vijeća, iznosi se na javnu raspravu kad je to Statutom grada ili drugim propisima određeno.

Nacrt akta, utvrđuje i upućuje na javnu raspravu Gradsko vijeće, ako nije drugačije propisano, ili ako Gradsko vijeće ne odluči drugačije".

Razlozi za donošenje

Poslovníkom Gradskog vijeća Tuzla („Službeni glasnik Grada Tuzla“, Drugi prečišćeni tekst, broj 5/22), kao i Odlukom o organizovanju i provođenju javnih rasprava ("Službeni glasnik Grada Tuzle", broj 11/21) je data mogućnost da se o nacrtu svih općih akata, koje donosi Gradsko vijeće Tuzla provodi javna rasprava, na osnovu prijedloga predlagača ili odluke Gradskog vijeća Tuzla. Imajući u vidu značaj Programa rada Gradskog vijeća Tuzla za 2023. godinu, kao dokumenta predlaže se donošenje ove Odluke, kao u dispozitivu.

OBRADIVAČ:
Stručna služba Gradskog vijeća

PREDLAGAČ
Kolegij Gradskog vijeć